

Ditshupetso di le masome a mabedi tsa thapelo e e dirang

1. Kgotlhelela mo thapelong (Luka 18:1)

'A bo a bua nabo ka setshwantsho sa gore motho o tshwanetse go rapela ka metlha a sa lape.'

2. Rapela ka go itshepa (Baheberere 4:16)

'Ka moo he, a re atameleng sedulo sa bogosi sa bopelotlhomogi ka dipelo tse di phuthologileng gore re tle re amogele kutlwelo-botlhoko, re bone boitshwa-relo, re tle re thusiwe ka nako ya teng.'

3. Ganetsa Diabolo (Jakobo 4:7)

'Ka moo, ikokobeletseng Modimo; ganetsang Diabolo, mme o tla lo tshaba.'

4. Dumelela Modimo go dira (Dipesalome 37:5)

'Laolela Morena tsela ya gago, o mo ikanye, ene o tla dirafatsa.'

5. Rapelela tlhoko (Bafilipi 4:19, 4:6)

'Se tshwenyegeleng sepe, mme a ka metlha tse lo di tlhokang di itsisiwe Modimo ka thapelo le kopo, di na le tebogo.' (Bafilipi 4:6)

'Mme Modimo wa me o tla lo abela tsotlhe tse lo di tlhokang ka fa khumong ya ona mo kgalalelong e e mo go Keresete Jesu' (Bafilipi 4:19)

6. Rapela ka leina la Jesu (Johane 14:13-14)

'Mme le fa e ka nna eng se lo ka se kopang mo leineng la me, ke tla se dira gore Rara a galalediwe mo go Morwa.'

7. Rapela ka tumelo (Mar 11:22-24)

Jesu a ba araba a re: 'Nnang le tumelo mo Modimong. Ammaaruri ke lo raya ke re: Le fa e le mang yo o rayang thaba e a re: 'Manaloga, o itatlhele mo lewatleng!' a sa belaele mo pelong ya gagwe, a dumela gore se a se buang se tla dirafala, o tla direlwa jalo. Ke ka moo ke lo rayang ke re: Tsotlhe tse lo di kopang, lo rapela, le fa e ka nna eng, lo dumele gore lo di amogetse, mme lo tla di bona.'

8. Rapela go ya ka ditsholofetso tsa Modimo (2 Bakor 1:20)

'Gonne le fa go ka nna dipolelelopele tsa Modimo di le kae, di Ee mo go ene; ke ka moo re reng Amen ka ene go kgalaletsa Modimo.'

9. Se leke go busa Modimo (Jes 55:8-9)

'Gonne Morena a re: 'Megopolo ya me ga se megopolo ya lona, le gona ditsela tsa lona ga se ditsela tsa me. Gonne ditsela tsa me di okame ditsela tsa lona; le gona megopolo ya me e okame megopolo ya lona jaaka legodimo le okame lefatshe.'

- 10. Modimo ke senatla (Baef 1:19-21)**
'Le gore bogolo jo bogolo jwa thata ya ona ke e e ntseng jang ntlheng ya rona ba re dumelang ka fa tirong ya bonatla jwa nonofo ya ona e o dirileng ka yona mo go Keresete ka go mo tsosa mo baswing le ka go mo nnisa fa letsogong le le jang la ona mo legodimong, godimodimo ga puso yotlhe le taolo le thata le borena le leina lengwe le lengwe le le ka bidiwang, e seng fela mo lefatsheng leno mme le gona mo go le le tlang.'
- 11. Rapela go ya ka mo thatong ya Modimo (1 Joh 5:14-15)**
'Mme namatshego e re nang nayo mo go ona ke gore o a re utlwa, fa re kopa sengwe ka fa go rateng ga ona. Mme fa re itse gore o a re utlwa, le fa re ka ne re kopa eng, foo re itse gore re setse re tshotse tse re di kopileng mo go ona.'
- 12. Rapela ka tsholofelo (Jer 33:3)**
'Mpitse, ke tla go araba, ke go itsese dilo tse dikgolo tse di sa tlhotlhomisiweng, tse o sa di itseng.'
- 13. Tumisa le go leboga Modimo ka dikarabo (Pes 100)**
'Dudueletsang Morena, lona mafatshe otlhe. Direlang Morena ka boitumelo...'
- 14. Utlwelela Modimo, o tshele botshelo jo bo phepa. (1 Joh 3:21-22)**
'Baratwi, fa dipelo tsa rona di sa re atlhole, re a be re nale nametsego mo Modimong. Mme le fa e le eng se re se kopang re se amogela mo go ona, ka re tshegetsatsa ditaolo tsa ona, re dira tse di natefang fa pele ga ona.'
- 15. Ipobole o robaganye dibe tse o di itseng/bonang le tse o iseng o ipobole (Diane 28:9, 28:13)**
'Yo o ithibang tsebe gore a se ka a utlwa molao, thapelo ya gagwe ke maila fela. Yo o lobang maleo a gagwe ga a kitla a gona sepe; mme yo a ipobolang, a a bakela, o tla tlhomogelwa pelo.'
- 16. Rapela ka bojotlhe o tiisitse (Jak 5:16)**
'Thapelo ya mosiami e nonofile go dira tse dikgolo, fa e le ya tlhoafalo.'
- 17. Rapela ka maemo a matla a gago mo go Keresete (Baef 2:6)**
'Wa re tsosa nae, wa re nnisa nae mo legodimong go nna mo go ene Jesu Keresete...'
- 18. Monyeletsa dithapelo tsa gago ka ditumiso le dipoko (Baroma 11:33-36)**
'A boteng jwa khumo le jwa botlhale le jwa kitso ya Modimo! Dikatholo tsa ona ga di na totolotso jang ne, le ditsela tsa ona ga di na tlhotlhomiso jang ne! Gonne ke mang yo o itseng maikaelelo a Morena, gongwe mogakolodi wa gagwe e ne e le mang? Gape ke mang yo o mo neileng pele se o tla se busediwang? Gonne dilo tsotlhe di tswa go ene, di teng ka ene, di ya go ene. Tlotlo a e nne ya gagwe ka bosakhutleng! Amen'

- 19. Leta Moreneng gore a arabe dithapelo tsa gago (Jes 40:31, Pes 145:15)**
'Ba ba solofetseng mo Moreneng ba bona matla a mašwa, ba tla fofa jaaka dintsu, ba siana, ba sa lape, ba tsama mme ba se boko.' (Jes 40:31)
'Matlho a dibopiwa tsothe a lebetse wena, o di fa dijo ka nako e e tshwanetseng.' (Pes 145:15)
- 20. Nna le boammaruri le Modimo mo dithapelong tsa gago, se fitlhe sepe kgotsa dilo tse di tlhokang moemedi fa pele ga Modimo (Pes 139:23-24)**
'Nkeleke Modimo, o itse pelo ya me; nteke, o itse megopolo ya me, mme o bone, fa ke le mo tseleng e e bosula, mme o nkgogele mo tseleng ya bosakhutleng!'